

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registровано kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	2 01	6465

Strana:
1 od 1

Broj protokola: 02-1-04-7-6247-26/20

JAVNO

DATUM: 18.02.2021. god.

PRIMALAC: BOSNALIJEK d.d. Sarajevo
KRAJINAGROUP d.o.o. Banja Luka
R&S d.o.o. Sarajevo
DEFTER d.o.o. Sarajevo
ITR d.o.o. Sarajevo

PREDMET: Obavijest: Nabavka robe – Sredstva za dezinfekciju površina

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: **Sredstva za dezinfekciju površina**, provedene metodom Konkurentski zahtjev, na prijedlog Komisije za provođenje postupka nabavke, Odlukom v.d. direktor-a J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, prihvaćena ponuda ponuđača **BOSNALIJEK d.d. Sarajevo** za nabavku predmetne robe.

S poštovanjem,

v.d. DIREKTOR - a

Alan Bajić

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DOP UP 01-3 01 01 Dopsis, 2. izdanje/Rev 3



Tel:

Fax:

E-mail:

	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opo@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdet@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 3
Broj protokola: 02-1-04-7-6247-25/20	JAVNO

Datum: 17.02.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu Izvještaja i preporuke komisije za provođenje postupka javne nabavke robe: Sredstva za dezinfekciju površina, imenovane Rješenjem broj: 02-1-04-7-6247-8/20 od 07.01.2021. god., Uprava J.P. Međunarodni aerodrom "SARAJEVO" d.o.o. Sarajevo, postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, izjašnjenjem putem elektronske pošte dana 17.02.2021. god., donosi

ODLUKU

I

Kao najpovoljnija ponuda za nabavku robe: **Sredstva za dezinfekciju površina**, ocjenjuje se ponuda ponuđača **BOSNALIJEK d.d. Sarajevo**, zavedena na protokol Naručioca pod brojem: 02-3-04-7-6247-9/20 od 15.01.2021. god., koji je ponudio cijenu **u iznosu od 17.911,60 KM, bez PDV-a**.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Sredstva za dezinfekciju površina, v.d. direktor-a J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-6247-3/20 od 22.12.2020. god., a Rješenjem broj: 02-1-04-7-6247-8/20 od 07.01.2021. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-520-3-122/20 od 29.12.2020. god. Do ostavljenog roka za predaju ponuda, 18.01.2021. god., do 12,00 sati, na adresu Naručioca ponude je dostavilo pet ponuđača, i to: KRAJINAGROUP d.o.o. Banja Luka, BOSNALIJEK d.d. Sarajevo, R&S d.o.o. Sarajevo, DEFTER d.o.o. Sarajevo i ITR d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

- Pregledom ponude ponuđača **KRAJINAGROUP d.o.o. Banja Luka** konstatovano je da dostavljena potvrda o dobrom izvršenju posla nije najjasnija, jer ne precizira u kojem obimu je izvršen dio ugovora koji se odnosi na sredstva za dezinfekciju. Stoga je Naručilac shodno članu 68. stav (3) Zakona o javnim nabavkama i članu 18. Uputstva za pripremu modela tenderske dokumentacije od ponuđača zatražio pojašnjenje predmetne potvrde. Ponuđač je u predviđenom roku dostavio traženo izjašnjenje, i to pisanim putem uz priloženi dokaz izdavaoca potvrde, a Komisija je isto nakon izvršene analize ocijenila prihvatljivim. Imajući u vidu navedeno, ponuda ovog ponuđača ocijenjena je formalno-pravno, računski i tehnički ispravnom odnosno prihvatljivom za Naručioca. Ponuđač ne ispunjava uslov preferencijalnog tretmana.
- Pregledom ponude ponuđača **BOSNALIJEK d.d. Sarajevo** konstatovano je da dostavljena potvrda o dobrom izvršenju posla nije najjasnija, jer ne precizira u kojem obimu je izvršen dio ugovora koji se odnosi na sredstva za dezinfekciju. Stoga je Naručilac shodno članu 68. stav (3) Zakona o javnim nabavkama i članu 18. Uputstva za pripremu modela tenderske dokumentacije, od ponuđača zatražio pojašnjenje predmetne potvrde. Ponuđač je u

predviđenom roku dostavio traženo izjašnjenje, i to pisanim putem uz priloženi dokaz izdavaoca potvrde, a Komisija je isto nakon izvršene analize ocijenila prihvatljivim. Imajući u vidu navedeno ponuda navedenog ponuđača ocijenjena je formalno-pravno, računski i tehnički ispravnom. Ponuđač ne ispunjava uslov preferencijalnog tretmana.

- Pregledom ponude ponuđača **R&S d.o.o. Sarajevo** konstatovano je da ponuđeni proizvod ne ispunjava tehničke uslove zahtijevane Tenderskom dokumentacijom, i to Aneksom II Obrazac za cijenu ponude - opis robe. Naime, ponuđeni proizvod ima 70-75% alkohola, a Tenderskom dokumentacijom zahtijevan je proizvod sa 90%+-10% alkohola. Imajući u vidu navedeno predmetna ponuda ocijenjena je tehnički neispravnom i neprihvatljivom za Naručioca.

- Pregledom ponude ponuđača **DEFTER d.o.o. Sarajevo** konstatovano je da dostavljena potvrda o dobrom izvršenju posla nije najjasnija, jer ne precizira u kojem obimu je izvršen dio ugovora koji se odnosi na sredstva za dezinfekciju. Stoga je Naručilac shodno članu 68. stav (3) Zakona o javnim nabavkama i članu 18. Uputstva za pripremu modela tenderske dokumentacije, od ponuđača zatražio pojašnjenje predmetne potvrde. Ponuđač je u predviđenom roku dostavio traženo izjašnjenje, i to pisanim putem uz priloženi dokaz izdavaoca potvrde, a Komisija je isto nakon izvršene analize ocijenila prihvatljivim. Daljim pregledom ponude Komisija je konstatovala da je dostavljeni Obrazac za cijenu ponude nepotpun, jer ponuđač nije popunio kolonu broj 3. Zemlja porijekla. Naime, tačkom 2.1. d) Tenderske dokumentacije - Uslovi za učešće i potrebni dokazi, zahtijevana je dostava popunjenog, potpisanog i ovjerenog Obrasca za cijenu ponude (Aneks II). U skladu sa navedenim, ponuđač je bio dužan upisati sve elemente Obrasca za cijenu ponude, uključujući i zemlju porijekla. Također, članom 6.1. Tenderske dokumentacije određeno je da se domaćim ponudama smatraju ponude koje dostave fizička ili pravna lica sa sjedištem u BiH, u kojima najmanje 50% ukupne vrijednosti ponuđenih roba imaju porijeklo iz BiH, što se u konkretnom slučaju dokazuje naznakom u Obrascu za cijenu ponude. U prilog svemu navedenom govori i praksa Ureda za razmatranje žalbi BiH u slučajevima utvrđenog nedostatka u popunjavanje Obrasca za cijenu ponude koji se odnosi na zemlju porijekla (vidjeti Rješenje URŽ-a broj: JN2-03-07-1-3464-8/20 od 23.12.2020. god.). Naručilac je u skladu sa tačkom 8. Tenderske dokumentacije, na osnovu dostavljenog uzorka, izvršio provjeru da li ponuđeni artikal sadrži minimalne zahtijevane karakteristike iz Obrasca za cijenu ponude. Testiranjem je utvrđeno da sredstvo brisanjem površina ostavlja trag nakon što se osuši, a specifikacijom je zahtijevano da sredstvo nakon upotrebe isparava i ne ostavlja vidljive tragove. Ponuda ne zadovoljava uslov preferencijalnog tretmana. Imajući u vidu navedeno Komisija je predložila da se ova ponuda ocijeni formalno-pravno neispravnom.

- Pregledom ponude ponuđača **ITR d.o.o. Sarajevo** Komisija je konstatovala da je dostavljeni Obrazac za cijenu ponude nepotpun, jer ponuđač nije popunio kolonu broj 3. Zemlja porijekla. Naime, tačkom 2.1. d) Tenderske dokumentacije - Uslovi za učešće i potrebni dokazi, zahtijevana je dostava popunjenog, potpisanog i ovjerenog Obrasca za cijenu ponude (Aneks II). U skladu sa navedenim, ponuđač je bio dužan upisati sve elemente Obrasca za cijenu ponude, uključujući i zemlju porijekla. Također, članom 6.1. Tenderske dokumentacije određeno je da su domaće ponude ponude koje dostave fizička ili pravna lica sa sjedištem u BiH, u kojima najmanje 50% ukupne vrijednosti ponuđenih roba imaju porijeklo iz BiH, što se u konkretnom slučaju dokazuje naznakom u Obrascu za cijenu ponude. U prilog svemu navedenom govori i praksa Ureda za razmatranje žalbi BiH u slučajevima utvrđenog nedostatka u popunjavanje Obrasca za cijenu ponude koji se odnosi na zemlju porijekla (vidjeti Rješenje URŽ-a broj: JN2-03-07-1-3464-8/20 od 23.12.2020. god.).

Također, Komisija je konstatovala da ponuđeni proizvod nije u skladu sa tehničkim uslovima određenim Tenderskom dokumentacijom, i to Aneksom II - Obrazac za cijenu ponude, opis robe. Naime, ponuđeni proizvod nije na bazi alkohola, a u specifikaciji je zahtijevan proizvod sa 90 +/- 10% alkohola.

Naručilac je u skladu sa tačkom 8. Tenderske dokumentacije, na osnovu dostavljenog uzorka, izvršio provjeru da li ponuđeni artikal sadrži minimalne zahtijevane karakteristike iz Obrasca za cijenu ponude. Testiranjem je utvrđeno je da sredstvo brisanjem površina ostavlja trag nakon što se osuši, a specifikacijom je zahtijevano da sredstvo nakon upotrebe isparava i ne ostavlja vidljive tragove.

Imajući u vidu navedeno Komisija je predmetnu ponudu ocijenila formalno-pravno i tehnički neispravnom i neprihvatljivom za Naručioca.

Uzimajući u obzir činjenicu da je Odlukom o pokretanju postupka predmetne nabavke utvrđen kriterij za izbor najpovoljnije ponude, najniža cijena prihvatljive ponude, Komisija je prema dostavljenim cijenama iz ponuda sačinila Rang-lista prihvatljivih ponuda prije e-aukcije, koja glasi:

1. **BOSNALIJEK d.d. Sarajevo, vrijednost ponude: 17.911,60 KM i**
2. **KRAJINAGROUP d.o.o. Banja Luka, vrijednost ponude: 26.862,00 KM.**

Na e – aukciji, zakazanoj i održanoj dana 01.02.2021. godine, ponuđači nisu snižavali cijene ponuda, te je Komisija stoga konstatovala da je ponuda ponuđača **BOSNALIJEK d.d. Sarajevo** za nabavku predmetne robe najpovoljnija uz ponuđenu cijenu od **17.911,60 KM.**

S obzirom na naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo, da se ugovor dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo je razmotrila dostavljenu preporuku Komisije, te je nakon uvida u cjelokupno provedeni postupak, izjašnjavajući se elektronskim putem, istu prihvatila i na osnovu 89. stav (3) Zakona o javnim nabavkama, te člana 21. stav (2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Alan Baić

Prilog: Zapisnik o pregledu i ocjeni ponuda

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a